

num decoquendo in suum convertunt virus, per circumstantias augent, poliunt, & velut fucō rem pingunt rei. Canibus quibusdam insitum, sine causa & discrimine latrare; etiam homines laniare, & vellicare avidi, huic uni adherent, nec mentem ad ulteriora mittunt. Alioquin homo censetur prudentissimus, nec immeritō; ast sæpè stultissimus. Nam cæteræ animantes ubi semel offenderunt, cavent; non Vulpes ad laqueum, Lupus ad foveam, Canis ad fustem facilè redibunt, solus homo peccat ferè in iisdem. Sed ut probiùs rem attingam, accedam propiùs. Ad Rempub. augendam hæc potissimùm requiruntur; ut ea nimirum opibus firma, copiis locuples, gloria ampla, virtute honesta sit. Eheu quàm multi ad Rempub. adspirant, nec boni, nec bono fine, quos reprimitt mos, sive lex gentium repagulo duplici? electionis, & successionis. Ad statum Reipub. alium amor, alium ambitio attrahit, nonnullos Lucretus ille Deus, multos duntaxat honor titillat; etsi sæpè conscientia retrahat. Interea, ut in exercitu omnes pro victoria pugnant; & in hoc tractu omnes pro Reip. gloria, inter varios fines, veniunt tamen ad suum finem. Multi res suas agunt, & augent communium prætextu. Sunt igitur eligendi ejusmodi qui salutaria ponant, dijudicent, ac promant, & quæ cadant in honorem cùm primis Dei ac Reip. splendorem? Etenim hisce artibus justitia, fortitudine, præcipuè prudentia conservantur civitates, remotis hisce anchoris simul turbatur Reipub. navis. Primùm autem à primo à solo & summo bono quid nisi bonum? Ut navis aditum aliarumq; rerum carinas & fundamenta volumus esse prima & firmissima: sic in primis curatio sit rerum divinarum. Humana quidem omnia perpetuis jactationum fluctibus jactari necesse est, nisi ad anchoram ea alliges veræ pietatis.

Pietas